

天下郡國利病書卷一百十

崑山顧炎武寧人輯  
成都龍萬育燮堂訂

屬夷

附貢道

自永昌出塞南際大海諸夷自相君長 明朝芟鋤  
梁段以武臨之皆稽首而奉正朔革其昭綱昭錄之  
舊稱授以宣慰宣撫之新號葉文通於銀臺象馬陳  
於闕庭版章設於職方綱紀之司屬在行省夫自漢  
以來侈輿圖之廣者莫若李唐乃姚嵩諸州僅屬羈  
縻而今按藉所載不啻斥地數千里折箠所使並在  
邇□此亦聲教之極盛哉前志有西南夷土司志諸  
司隸行省如藤薛卿之役宋焉則阿瓦江頭吾南土  
也奚冠以西南而令自爲夷司耶故更之曰屬夷其  
山川道里風俗物產亦不以例欵龐襟約其會歸情  
形今昔不同者則有永昌太守龐爲光所條列就而  
增飾之貢道聯給諸夷實爲要領舊志志革兩論競  
爽切中夷弊皆仍其舊至於大金沙江考載夷中水  
路頗詳業見蘇文可以互証又滇畧稱 高廟惡諸  
夷數叛賜之刁曩斧罕四姓今惟斧姓無存其他相  
仍永替編中未及因附見之

車里軍民宣慰使司

卽古產里商初伊尹令以象齒短狗爲獻周公作指南

車導之歸故名車里元世祖命將兀良吉解伐交趾經其所悉降部之至元中置撒里路軍民總管府領六甸後又請置耿凍路耿當孟弄二州明朝洪武七年改置車里軍民府十九年改宣慰使司永樂元年其酋刁暹荅內侵虜戕官吏西平侯請討之上命以理論暹荅悔懼還所虜及地遣使入謝至嘉靖間附於緬萬歷十一年官兵擊緬宣慰刁糯猛遣使貢象進方物兄居大車里應緬使弟居小車里應漢使其地東至落恐蠻界南至波勒蠻界西至八百宣慰司界北至元江軍民府界西北通孟璉長官司者樂甸西北行十一日至其地其山曰猛永曰光山其江曰沙木曰九龍其產石桐木香沉香其差發徵黃金五十民皆僂夷性頗樸淳上刺一旂爲號作樂以手拍羊皮長鼓而間以銅鑊銅鼓拍板其鄉村飲宴則擊大鼓吹蘆笙舞牌爲樂

木邦軍民宣慰使司

舊名孟都一名孟邦相傳蜀漢時木鹿王苗裔元至元二十六年立木邦軍民總管府領三甸明初內附改木邦府後改木邦軍民宣慰使司徵差發白金一千四百永樂間宣慰罕賓從征緬正統中罕蓋從征麓川俱以有功益其地以故在六慰中分土最遠萬歷十年緬

誘罕拔陷死襲取木邦拔子進忠內奔罕虔勾緬追進  
忠至姚關焚順寧而去十一年官兵破緬於姚關立進  
忠子欽欽死其叔罕禡約暹羅攻緬緬恨之萬歷三十  
三年以三十萬衆圍其城請救於我不至城陷金牌印  
信盡失緬僞立猛密思禮領之今惟猛波羅猛 諸寨  
爲我不耳思禮憑恃瓦酋恐喝諸夷近差其目海慶據  
控尾而求猛 又與召依坎換象干戈相尋炎炎有吞  
鎮康之意其東爲孟定南爲猛密西爲緬甸北爲芒市  
自姚關渡查哩江十二程至其地夷類數種男子皆衣  
白文身髡髮摘髭鬚修眉睫婦人則白衣桶裙耳帶金

卷一百十 雲南四

三

圈手象鐺其產響雪胡椒

八百大甸軍民宣慰使司

夷名景邁世傳其酋有妻八百各領一寨因名八百媳  
婦國元初征之不能獲志後遣使招附無統初置八百  
等處宣慰司明洪武二十四年其酋來貢乃立八百大  
甸軍民宣慰使司東至車里宣慰使司界南南西至波勒蠻

與紀要異

界西至大古喇界北至孟良府界自姚關東南行至其  
地五十程有南格刺山下有河南屬八百北屬車里平  
川數千里轄部廣遠其產巨象安息白檀諸香民皆僉  
夷刺花樣於眉目間見客則把手爲禮好佛惡殺一村

一寺每寺一塔殆以萬計有敵人侵之不得已一舉兵得所仇而罷名慈悲國嘉靖間爲緬所兼刁氏避居景線一名小八百緬以其弟莽應龍住居景邁城爲右臂萬歷十五年刁氏以文請兵恢復議未詳今久爲緬有矣

### 老撾軍民宣慰使司

其夷佩雕瓜爲飾俗呼撾家卽古越裳氏自周以後不通中國明永樂三年其酋備方物入貢始置老撾軍民宣慰使司東至水尾界南至交趾界西至八百界北至車里宣慰使司界自司西北六十八程至布政司其人

### 卷一百十 雲南四

四

衣服飲食類木邦但性獷狠身及眉目皆黥繡花酋長一代止存一子承襲絕不育女居高樓見人不下部屬見之所止有定地名曰等限使客亦然設通司引之以至其地其國人稱 至尊必白天旺蓋春秋天王之意其產海貝犀牛乳香訶子交趾黎利之變陳天平實由此道入於京師嘉靖間緬人破其東之纜掌蓋老撾屢屬部地之最荒遠云

### 孟養軍民宣慰使司

俗名迤西有香柏城與蠻莫同襟金沙江孟養居其土南北西至與紀要異流南至抵馬撒疆連西洋北極吐番西通天竺東南隣

於緬山曰鬼窟號稱險要夷人據爲硬寨小有瑕釁則治兵相攻其土下濕夜寒濱江爲竹樓以居一日數浴有碧瑱琥珀有四足巨蟒胆可解諸毒其通中華蓋昉於勝國至元二十六年始置雲遠路軍民總管府明宏治十五年改爲雲遠府十七年改孟養軍民宣慰使司年輸白金七百五十爲差發正統間宣慰刁王賓敗於麓川思任因而奔故絕後爲思發所據自上狀願爲差發民靖遠伯許之礮石金沙江上曰石爛江枯方許渡後雖冒金牌終無印信凡通文告第稱守金沙江奴婢而已萬歷八年緬擒宣慰思個幽死據其地舍自奔永

卷一百十 雲南四

五

昌十二年忠義來歸十三年思威敗緬於密堵殺緬目多曩長十七年思明子思遠貢象進方物 欽賞金帶授宣慰十八年緬報密堵之役復攻孟養遠率其子昏奔盞西緬以曩瓮住而據之其後又有思轟者送欵於我與蠻莫思正結爲唇齒共據長江以抗緬三十年緬追思正轟率兵象倍道馳救之至則我已殺正說緬矣三十二年緬復襲迤西轟走死緬以頭目思華據之今華物故妻怕氏領其地又三年矣緬中他日更番戍守連年發其兵從征素強悍不可縻云轟之遺目曰放思祖有衆千餘人

緬甸軍民宣慰使司

蠻名阿瓦元世祖至元中由吐蕃三討之後於蒲甘緬  
王城置邦牙等處宣慰使司明洪武二十九年始歸附  
立緬甸軍民宣慰使司永樂間遣翰林張洪使其地正  
統間宣慰莽次劄繫叛夷思任思機獻於京師益以地  
嘉靖初孟養思倫猛密思真連兵侵緬殺莽紀歲緬因  
訴於 朝委官往勘不聽本司金牌印信貯永昌府庫  
中嘉靖中紀歲枝子瑞體起洞吾母養父有其地以計  
滅得楞之弟兄遂雄據之東破纜掌即老撾西取土啞即暹

羅攻景邁服車里囚思個陷罕拔號召三宣爲西南雄

卷一百十 雲南四

六

長僞稱爲金樓白象召法補元恭達喇弄攻瑞體死應  
裏繼之萬歷十一年莽灼來歸應裏怒攻之灼奔騰越  
應裏以次子思斗莽肘者居之而洞吾東猛別西雍會等處  
悉授其弟姪守焉其詳別具本宗其疆北東至八百宣慰界與  
使司紀要異界南至海西至孟養界北至猛密宣撫司界自司  
東北三十八程至布政司轉達於京師其山曰小豹江  
曰金沙濶五里餘水勢甚盛緬人恃以爲險其俗柔詐  
慄悍有屋廬以居象馬以乘舟筏以濟其文字進上者  
用金葉寫之次用紙次用檳榔葉謂之緬書男子善浮  
水縮髻頂前用青白布纏之婦人縮髻頂後不施脂粉

事佛敬僧有大事則抱佛說誓質之僧然後決其產象  
犀馬椰子白氎布兜羅棉樹類 高五六丈結實如掌  
土人以麩納罐中以索懸罐於實下劃實取汁流於罐  
以爲酒名曰樹頭酒或不用麩唯取汁熬爲白糖其葉  
卽貝葉寫緬書用之石油自石縫流出臭惡而色黑可  
塗毒瘡古蹟在江頭城至騰衝十五日太公城在江頭  
城南十日馬來城在太公城南八日安正國城在馬來  
城南五日蒲甘緬王城在安正國西南五日所謂緬中  
五城也

### 孟定府

卷一百十 雲南四

七

舊名景麻元至順四年立孟定路軍民總管府領二甸  
隸大理金齒等處宣慰使司明洪武十五年改置孟定  
府正統間麓夷叛知府刁祿孟遠遁失其地木邦舍目  
罕葛從征麓川有功王靖遠令食其土額徵差發六百  
兩嘉靖間木邦罕列據地而奪其印令舍人罕慶管食  
之是爲耿馬子粒歸木邦萬歷十二年官兵克耿馬以  
罕葛之後令爲知府十五年頒以新印令死子榮嗣榮  
死弟貴嗣自姚關南八日入其疆東西二至與紀要異東接雲州南連孟璉  
界西木邦北鎮康州土瘠人稀有景杏土城馬援營在  
焉其扼要則查理江其俗男子髡跣黑齒衣白布戴細

竹絲帽以金玉等寶飾其頂遍插翠花翎毛之類後垂紅纓婦人出外戴大藤笠狀類團牌而頂尖身衣文繡飾以珂貝地產香櫟視南安州產尤大

### 孟良府

蠻名孟指在姚關東南二十里東爲車里界南爲八百界西爲木邦界北爲孟璉界自古與中國絕永樂四年來歸設孟良府編差發黃金六十兩後爲木邦兼併嘉靖間附於緬與景邁莽應龍相表裏然亦未敢背漢云其酋名怕詔所居層樓有妻數百人晡後乘象出浴於江浴畢鬪服羅拜酋解納臂金鐏授者當夕其官師曰

### 卷一百十 雲南四

八

司祿刁猛卒伍曰皆些出入以象名曰象馬兵革犀利男女俱警捷沃野千里最稱殷富地多虎農者於樹杪結草樓以護禾衣皆套項鵝毛爲耨雲南知府趙渾曾以撫夷入其地酋長偃蹇不以使命禮遇之後無人至者

### 南甸宣撫司

舊名南宋在騰越南半個山下其山巔北霜雪恒有南則炎瘴如蒸蓋天限華夷也元至元二十六年置南甸路軍民總管府領三甸明洪武十五年改南甸府永樂十二年改南甸州正統八年其酋刁氏以麓川功陞宣

撫司轄部有羅卜司莊與小隴川皆百夫長之分地知事謝氏居曩宋悶氏居盞西屬部直抵金沙江與迤西地方相牙錯萬歷二十一年軍門陳用賓檄知府漆文昌建關置堡於司之西北今化爲烏有宣撫刁落寧替襲於其子置孫皆死世絕令議刁落啟襲同廖氏兼攝其東至芒市界南至隴川界西至孟養界東西二至與紀要異又脫北至永昌府騰越州界句幅員之廣爲三宣冠山曰丙弄在司東十里昔有僧自大理至此坐化變形爲石後經兵燬止存其首士人祀之又東五里曰蠻干土酋憑險阻世居其上又十里曰溫泉有層峰多

卷一百十 雲南四

九

陰林下有溫泉曰沙木籠在司南一百里上有關立木爲柵周回一里曰南牙其南延袤一百餘里官道經之上有百梯夷人據此爲險又有清泉下流入南牙江川流小梁河源在騰衝一出赤土山一出緬箐山至北合流經南牙山西南又曰南牙江至干崖爲安樂河而合於大盈江曰孟乃河在司東南一百七十里卽騰越州龍川江之源曰大盈江自騰衝流至司境過鎮西入緬甸俗與本邦同結親用穀茶二長筒鷄卵五七籠爲聘客至以穀茶供奉手拈而食之產孔雀叫鷄紅籐額徵差發銀一百兩

停五兩

干崖宣慰司

由騰越西南行二百里踰黃連關至其境東北接南甸西接隴川有平川衆岡棊置其山曰雲晃在司南一十五里上有瀑布流爲雲晃河曰雲籠在司東二十五里曰白蓮在司北六十里中挺一峰土官居其麓下有白蓮池曰刺明在司西一百餘里其水曰雲晃河在司治南與雲籠河合灌田千餘畝曰安樂河源出騰衝經南甸迤邐治北折而西一百五十里爲檳榔江至北蘇蠻界爲金沙江入於緬中曰正西河在司東北三十里源出雲籠山分流十五里亦與雲籠河滙境內甚熱四時

卷一百十 雲南四

十

皆蠶以其絲織五色土錦充貢又曰白氎布白蓮花竹柳大如兔而肥舊名千賴賸元中統初內附至元中置鎮西路軍民總管府領三甸明洪武十五年改爲鎮西府後爲干崖長官司額徵差發銀一百兩正統間以麓川功陞宣撫司萬歷三十九年刁定邊又以平叛功加三品服色世守其土今恃強有憑陵南甸之意其副使刁思丙居孟達岡同知劉漢佐居蠻洒岡經歷廖氏居雷弄岡今故絕卽其地爲回龍營知事管奇勛居猛語岡劉管廖皆華人以功授者蓋達昔稱殷富萬歷九年爲緬攻掠一空而去亦經建關築堡於布嶺今不知何

狀矣

隴川宣撫司

舊爲麓川地在芒市路東其地曰大布芒曰賧頭附賽曰賧中彈吉曰賧尾福祿培皆僂夷所居元中統初內附至元十三年置麓川路隸金齒等處宣撫司明洪武十七年歸附置麓川平緬宣慰司正統三年其土酋思任叛大軍平之革其司十一年置隴川宣撫司於隴把與南甸干崖合爲三宣屏蔽永騰以夷目恭項領之後內奔安插曲靖以多氏代萬歷十一年岳鳳勾緬篡其地十二年鳳烏既俘多思順當立以爲宣撫多僚爲同

知居猛卯多恭爲副使管遮放二十年緬人窺等練至其地思順奔猛卯會官兵大戰於粟柴壩追逐之萬歷二十一年巡撫陳用賓檄知府漆文昌築堡四關三十五年思順子安民叛巡撫周嘉謨平之以金牌卑多安靖俟其長而授之印又有多安邦者安民之弟也昔亦附於緬今寄居蠻莫猶睥睨內地焉其東至芒市南至木邦西至千崖北至南甸自司治東北二十六程至布政司轉達於京師有馬鞍山摩黎山羅木山俱極高峻夷人恃以爲險又有湯泉從石罅流出爲河熱如沸湯俗與南甸同產大芋長尺餘又有孔雀毫豬紫膠大藥

鮮子鱗蛇鸚鵡差發額徵銀四百兩

停二百兩

### 耿馬宣撫司

與孟定府同川隔查哩江而居孟定居其南耿馬居其北舊無宣撫嘉靖間木邦兼孟定以罕慶食其地慶子們罕弱不振族舍罕虔四子皆慄悍謀配四女於四州遂附緬奪其地萬歷十一年從緬逐罕進忠破施甸十一月又勾緬犯姚關官兵敗之於攀枝花十二年正月官兵擒虔父子斬之奏設宣撫司以們罕爲宣撫十五年領宣撫司印今們罕物故弟們罕金護印屢奉貢來庭近者木邦思禮時侵灣甸鎮康恃有罕金爲之聲援

### 卷一百十 雲南四

十二

天啟三年緬攻猛乃孟艮罕金欲救之緬移兵將攻金金不得已以銀碗大馬爲說今猶相持未決而逆虔第四子罕正居猛猛恃孟璉爲其壻恃與罕金相輯撫緩宜極講云其東至威遠南至孟璉西至木邦北至鎮康自司治東二十一程至布政司轉達於京師有三尖山昔罕虔之黨罕老聚衆負固於此官兵平之又有馬養山風俗與孟定同

### 猛密宣撫司

有磚城無戍樓產花果瓜蔬與中國同又有寶井金鑛估客雲集南牙山峙之摩勒金沙二水環焉山高出少

米穀騰貴又多地羊鬼爲行人 北距騰衝一千一百里南通緬一千里一由木邦錫波入一由猛卯至猛廣入一由邦杭魯祖渡莫勒江過南牙而入一由蠻莫入永樂間木邦宣慰罕賓以征八百緬甸功授以猛密于三處成化間夷目思柄據寶井叛木邦占奪其地都御史程宗奏設猛密安撫司授柄以安撫嘉靖初思奔思混爭立緬殺奔立混混德緬遂以地附焉萬歷十二年混率思化思恨丙測齎僞印改名思忠來歸遂陞爲宣撫忠故十一年緬攻猛密忠母罕烘弱不能支率其孫思禮思仁奔猛廣而猛密失十八年緬復攻猛廣罕烘以象馬入隴川爲宣撫多思順所拒忿歸於緬緬以思仁食共地

蠻莫宣撫司

地在騰越西蠻哈山下山如象鼻行者累足自布樓三日至其地田土饒衍風俗與隴川猛密同東有等練山環以那莫江直走金沙當緬人水陸之衝實隴川右臂舊爲猛密分地後酋長稍強擅而有之萬歷初土酋思恨與賊鳳相表裏岳罕平思恨懼而來歸題授宣撫尋叛附緬其母罕送明順逆反弋擊緬勢孤不能居遁去

適猛密頭目思化與思威敗緬於速送逐緬之入居其地者當事嘉其爲緬敵而內附遂卑以蠻莫而樹之二十三年緬大舉來襲化奔隴川巡撫陳用賓檄諸酋合師擊緬緬宵遁化死子正嗣二十九年緬又潛師萬餘由間道攻正正奔騰衝緬兵攻內地挾取正首而去僞立多罕蠻莫遂爲多罕有議者謂正爲我守戶之犬奔內地而不能迎死有遺憾焉三十二年官兵討多罕執之立思正弟衍忠緬又僞立思線衍忠不能支奔干崖當事者安插於猛卯近復取思線女又與盞達結爲姻親議者懼其飽則颺去宜預爲之防云

卷一百十 雲南四

十四

威遠州

唐南詔銀生府之地濮落雜蠻所居大理時爲爨夷所有男女勇健走險如飛其境內莫蒙寨有河汲其水煉於炭火上卽爲細鹽交易無稱斗以篋籬計多寡而量之又有南堆江谷寶江自遮過甸流至州境下流入於瀾滄其鎮曰蒙樂山東至元江南至孟璉西至孟定北至鎮沅自州治東北一十九程至布政司轉達於京師額徵差發銀四百兩

灣甸州

東西至與紀要異北至亦脫四至須依紀要

蠻名細睽在姚關東南七十里東至雲州南至鎮康西

至永昌施甸北至順寧木邦其地瘠薄山高水迅每六月瘴毒熾盛水不可涉有黑泉色如黥漆漲時鳥飛過之輒墜夷以竿掛布浸而暴之以拭盤盂人食其物立死有孟通山產茗穀雨前採之勝於中國但不能多致耳又有芭蕉實以當果其人皆僂種婦人貴者貫象牙筒子髻長三寸許插金鳳蛾絡以金索以紅毡帶束臂纏頭白布窄袖短衫黑衣桶裙不知鉛束自古不通中國元中統初乃內附屬鎮康路明洪武十七年置灣甸州編戶五里隣於木邦順寧日以侵削萬歷十年知州景宗眞率弟宗材導罕虔人寇姚關十一年復入犯宗眞死於陣擒宗材斬之以宗眞子景從岳髻姑存之降爲州判官後從討猛廷瑞有功復陞知州從死叔景濶暫攝今濶死以從子承恩冠帶護印其差發額徵銀一百五十兩

### 鎮康州

蠻本名石睽在灣甸東南東至雲州南至耿馬西至木邦有無量烏木龍山木邦出入必經之夷號黑僂形惡色黑以青白布爲衣跣足荆棘中走如飛男子出婦人閉戶靜坐以待遇有事籤鷄骨卜吉凶病不服藥專祭鬼死刳木爲棺殯之墳上植樹爲識產則水乳香大藥

鮮子鱗蛇胆元中統中內附至元十三年立鎮康路軍民總管府領三甸明洪武十五年改爲鎮康府十七年改爲州緬戶六里差發白銀一百兩亦爲木邦順寧侵削隆慶間知州悶坎者逆虔妻以女因附虔歸緬萬歷十一年官兵敗緬悶坎物故其弟悶思歸義授以州事思死子刁悶枳掌管印事木邦思禮誘之歸緬枳不從遂令海慶取控尾據之又欲取猛犴天啟二年三月木邦兵衆據查理江枳奔姚關守備遣官撫之木邦乃退今勢亦削弱恐終無以捍外侮也

潞江安撫司

卷一百十 雲南四

十六

地在永昌騰越之間南負高崙山北臨潞江官道出其中實咽喉也民皆僂屬地多瘴癘夏秋之交爲酷蠻名怒江甸元至元間隸柔遠路明朝洪武十五年內附置長官司永樂九年陞安撫司以線氏領司事今沿至線世祿又有線廷舉者司捕事久死

芒市長官司

舊名怒謀又曰大枯睭小枯睭在永昌西南四百里西至龍川南至木邦東至潞江川源曠邈田土富饒而人稍脆弱男子以酸石榴皮染齒使婦人分髮直類以一髻垂於後跣而衣皮卽唐書所稱茫施蠻也西南有青

石山又有永貢幹孟二山皆高廣陡絕夷酋所居其水曰芒市河麓川江出蛾昌蠻金沙江出青石山皆流至緬地合大盈江曰大車江自騰越流至司境滙於緬中蒲干城地產沙金香橙橄欖芋蔗又多銀草元中統初內附至元十三年立茫施路軍民總管府領二甸明洪武十五年置茫施府正統二年改置芒市長官司額徵差發銀一百兩萬歷初酋長放福與岳鳳聯姻十一年導緬寇松坡營事覺擒福正法立舍曰放緯領司事轄於隴川

孟璉長官司

卷一百十 雲南四

十七

繇姚關東南行十九程至其地又七程至孟良其東爲車里西爲木邦部內有莫乃場出銀草世專其利以致殷富蠻名阿瓦慄悍好劫古不通中華正統間平麓川始來歸萬歷間酋長嫡嗣曰刁派真有叔刁派漢娶於車里因以車里殺派真而奪其官十二年率車里來貢十九年又勸緬來貢今派漢故弟派金嗣天啟二年三月阿瓦破之會洞我伐瓦瓦乃退其差發額徵銀二百兩

茶山長官司

騰越州西北去可五日程距高黎貢山極高而寒五穀

不蒔其人強獍嘉鬪土酋早姓舊屬孟養永樂三年孟養糾上江刁猛永叛夷目早章憤其不忠遂不附五年詣闕下賜印綬早章爲茶山長官十五年章舉頭目早甕爲副至早玉授正長官其北與麗江野人接境近年副長官早大震所部爲野人殺鹵無了遺奔入內地阿幸爲寓公惟正長官早鄧所部尙存耳其南至南甸西至里麻

里麻長官司

東與茶山接西北砦野人有整冬温冬二山部夷皆蛾昌蠻舊屬孟養永樂三年孟養叛土酋早姓有拒賊功

卷一百十 雲南四

十八

六年頒印世授長官萬歷中刁思慶襲正長官早奔副之今治至刁思虎爲野人所操盡棄其地與把事李延高奔赤石坪副長官早堪信被殺無噍類焉

鈕兀長官司

蠻名也兀自古不通中國明宣德七年始歸附置鈕兀長官司其地東至元江軍民府界南至車里宣慰司界西至威遠州界北至臨安府思陀甸長官司界白司比一十六程至布政司轉達於京師民皆倭泥類蒲蠻男子縮髻於頂白布纏頭婦人白哲盤頭露頂以花布爲套頭見人無禮拜額徵差發銀四十兩

志草論曰孔子曰言忠信行篤敬雖蠻貊之邦行矣雲南在西漢至唐開元酋長安其土郡縣治其人今土流並設之法自漢世而已然矣天寶以後守長不法恣肆誅求遂起割據僭竊之禍視張喬斬奸猾吏長九十餘人而三十六部盡降諸葛孔明用其毫傑而財賦足以給軍國史萬歲受明珠而隨服隨叛梁毗一金不取而酋長咸歸李知古以重賦戮尸張虔陀以淫虐被殺鮮于仲通褊急而長師杜元穎高傲而致亂然則御夷之道顧不甚簡易乎嗚呼今之雲南卽漢唐之雲南也雲南之郡縣卽天下之郡縣也用人者鑒漢唐之得失爲官擇人而不爲人擇地不分中邊不分遠近惟賢是用誠得廉靜老成如張喬梁毗者而用於雲南則億萬千年永無南顧之憂矣

舊志論曰雲南徼外之夷俱在黑水之南是名僂夷

明朝撫夷之術力駕馭之良法惜今不講久矣麓川之叛也初以小攻取得利因大肆貪求盛陳兵革然猶在滇徼外以夷攻夷久而莫之禁也則志驕氣盈因之爲逆嗚呼萌蘖不剪拱把其奈何雖天兵南下渠魁就俘然斯民之塗炭也已極矣是後識治體之臣鑒麓川之禍修復舊典以防其微歲檄文武良吏深入夷方名曰

撫夷一勘明奏獄一以察識夷情歸報重臣以俟分別  
故夷方雖遠夷情叵測然其動定音耗可坐而致卽小  
警隨加策斷不俟其大翼弱鋤強興廢繼絕不待其聞  
故夷官兢兢小心其子孫得以永享佚樂夷民得安於  
本業而中國之民亦無戰伐之勞乃 聖王仁覆華夷  
之大猷也今則不然上以文具使下下以故事應上使  
不擇人故夷不服上不信下故事不終爲南中計盍思  
其本原而調御之

貢道

上路

卷一百十 雲南四

二十

繇永昌過蒲縹經屋牀山箐險路狹馬不得並行過山  
至路江江外有高黎貢山路亦頗險山巔夷人立柵爲  
砦在三代爲徼外地過騰衝衛西南行至南甸千崖隴  
川三宣撫司隴川有諸葛孔明寄箭山隴川之外一望  
數千里絕無山谿隴川十日至猛密二日至寶井又十  
日至緬甸又十日至洞吾又十日至擺古莽酋居之卽  
古喇宣慰司擺古夷語也

下路

繇景東歷者樂甸行一日至鎮沅府又行二日始達車  
里宣慰司之界行二日至車里之普耳山其山產茶又

有一山聳修名光山有車里頭目居之蜀漢孔明營壘  
在焉又行二日至一大川原廣可千里其中養象其山  
亦爲孔明寄箭處又有孔明碑苔泐不辨字矣又行四  
日始至車里宣慰司在九龍之下臨大江亦名曰九龍  
江卽黑水之末流也由車里西南行當日至八百媳婦  
宣慰司又西南行一日至老撾宣慰司又西行十五六  
日至西洋海岸乃羅古莽酋之地也

卷一百十 雲南四

二十一

天下郡國利病書卷一百十終

敷文閣聚珍版